






第九〇三冊

四庫全書

●上海古籍出版社

本冊目次

冊府元龜(二)

宋王欽若
楊億等奉敕撰……一

欽定四庫全書

子部
冊府元龜卷四十八

詳校官中書臣瞿

員外郎臣牛稔文覆

總校官庶吉士臣何思鈞

校對官中書臣鮑之鍾

膝錄監生臣蔡齊明

欽定四庫全書

冊府元龜卷四十八

宋 王欽若等 撰

帝王部

謙德

從人欲

謙德

老子稱夫唯不居是以不去帝王代天地之工臨億兆之上鑒昭齊於三光長育同乎四時謙恭成德振矜不萌巍巍之功蕩蕩之化民何得而稱焉故抑其頌述自

欽定四庫全書

冊府元龜
卷四十八

云德薄然後王猷益茂聖烈益隆焉

後漢光武建武七年四月詔上書者不得言聖

中元元年京師醴泉湧出飲之者痼疾皆愈惟眇蹇者

不瘳又有赤草生於水崖郡國頻上甘露羣臣奏言地

祗靈應而朱草萌生孝宣帝每有嘉瑞輒以改元神爵

五鳳甘露黃龍列為年紀蓋以感致神祇表彰德信是

以化致昇平稱為中興今天下清寧靈物仍降陛下情

存損挹推而不居豈可使祥符顯慶沒而無聞宜令太

史撰集以傳來世帝不納常自譙無德每郡國所上輒抑而不當故史官罕得記焉

明帝永平六年四月詔曰先帝詔書禁人上事言聖而間者章奏頗多浮詞自今若有過稱虛譽尚書皆宜抑而不省示不為詔子噉也

十五年案地圖將封皇子悉半諸國馬后見而言曰諸子食數縣於制不已儉乎帝曰我子豈宜與先帝子等乎歲給二千萬足矣

欽定四庫全書

冊府元龜
卷四十八

二

章帝建初七年十月岐山得銅器形如酒罇獻之又獲白鹿帝曰上無明天子下無賢方伯人之無良相怨一方斯器亦曷為來哉

和帝元興元年自竇憲誅後帝躬親萬幾每灾異輒延問公卿極言得失前後符瑞八十一所自言德薄皆抑而不宣

魏武令曰孤始舉孝廉年少自以本非巖穴知名之士恐為海內人之所見嗤思欲為一郡守好作政教以建

立名譽使世上明知之故在濟南始除殘去穢平心選舉違迂諸常侍以為強豪所忿恐致家禍故以病還去

官之後年紀尚少顧視同歲中年有五十未名為老內自圖之從此却去二十年待天下清乃與同歲中始舉者等耳故以四時歸鄉里於譙東五十里築精舍欲秋夏讀書冬春射獵求低下之地欲以泥水自蔽絕賓客往來之望然不得如意後徵為都尉遷典軍校尉意遂更欲為國家討賊立功欲望封侯作征西將軍然後題

欽定四庫全書

冊府元龜
卷四十八

三

墓道言漢故征西將軍曹侯之墓此其志也而遭值董卓之難興舉義兵是時合兵能多得耳然嘗自損不欲多之所以然者兵多意盛與強敵爭儻更為禍始故汴水之戰數千後還到揚州更募亦復不過三千人此其本志有限也後領兖州破降黃巾三十萬眾又袁術僭號於九江下皆稱臣名門曰建號門衣被皆為天子之制兩婦預爭為皇后志計已定人有勸術使遂即帝位露布天下答言曹公尚在未可也後孤討擒其四將獲

其人衆遂使術窮亡解沮發病而死及至袁紹據河北兵強勢盛孤自度勢實不敵之但計投死為國以義滅身足垂於後幸而破紹梟其二子又劉表自以為宗室包藏奸心乍前乍却以觀世事據有荊州孤復定之遂平天下身為宰相人臣之貴已極意望已過矣今孤言此若為自大欲人言盡故無諱耳設使國家無有孤不知幾人稱帝幾人稱王或者人見孤強盛又性不信天命之事恐私心相評言有不遜之志妄相忖度每用耿

欽定四庫全書

卷四十八

四

耿齊桓晉文所以垂稱至今日者以其兵勢廣大猶能奉事周室也論語云三分天下有其二以服事殷周之德其可謂至德矣夫能以大事小也昔樂毅走趙趙王欲與之圖燕樂毅伏而垂泣對曰臣事昭王猶事大王臣若獲戾放在他國沒世然後已不忍謀趙之徒隸况燕後嗣乎胡亥之殺蒙恬也恬曰自吾先人及至子孫積信于秦三世矣今臣將兵三十餘萬其勢足以背叛然自知必死而守義者不敢辱先人之教以忘先王也

孤每讀此二人書未嘗不愴然流涕也孤祖父以至孤身皆當親重之任可謂見信者矣孤及子植兄弟過於三世矣孤非徒對諸君說此也嘗以語妻妾皆令深知此意孤謂之言顧我萬年之後汝曹皆當出嫁欲令傳道我心使人皆知之孤此言肝鬲之要也所以勤勤懇懇叙心腹者見周公金縢之書以自明恐人不信之故然欲孤便爾委捐所典兵衆以還執事歸就武平侯國實不可也何者誠恐已離兵為人所禍也既為子孫

欽定四庫全書

卷四十八

五

計又已敗則國家傾危是以不得慕虛名而處實禍此所以不得為也前朝恩封三子為侯固辭不受今更欲受之非欲復以為榮欲以為外援為萬安計孤聞介推之避晉封申胥之逃楚賞未嘗不捨書而歎有以自省也奉國威靈仗鉞征伐推弱以克強處小而禽大意之所圖動無違事心之所慮何向不濟遂蕩平天下不辱主命可謂天助漢室非人力也然封兼四縣食戶三萬何德堪之江湖未靜不可讓位至於邑土可得而辭今

上還陽夏柘苦三縣戶二萬但食武平萬戶且以分損
謗議少減孤之責也

晉宣帝以武功初封舞陽昆陽郾及臨潁四縣邑萬戶
子弟十一人皆為列侯帝勲德日盛而謙恭愈甚以大
常常林鄉邑舊齒見之每拜嘗戒子弟曰盛滿者道家
之所忌四時猶有推移吾何德以堪之損之又損之庶
可以免乎

後魏孝文帝時北海王詳行中領軍留守後朝於行宮帝
欽定四庫全書

冊府元龜
卷四十八

六

引見之詳慶平沔北帝曰朕以畿南未清神慶變動沔
北數城並皆柔服此乃是將士之効非朕之功詳對曰
陛下德邁唐虞功徹周漢自南之風於是乎始又帝有
事於方澤贊明羣臣問起居帝曰昨日方澤殊自大暑
遇天雲陰密行人差得無弊咸陽王禧對曰陛下德感
天地故靈物凝彩雖復雨師灑道風伯清塵豈過於此
帝曰伊洛南面之中此乃天地氣氲陰陽風雨之所交
會自然之應非寡德所能致此

前廢帝普泰元年四月有龍跡自宣陽門西出復入城
羣臣入賀帝曰國將興聽於民將亡聽於神但當君臣
上下克己為治未足恃此為慶

後周武帝建德六年八月鄭州獻九尾狐皮肉銷盡骨
體猶具帝曰瑞應之來必昭有德若使五品時叙四海
和平家識孝慈人知禮讓乃能致此今無其時恐非實
錄乃命焚之

唐高祖初即位言自稱名與貴臣每同榻而坐納言劉
欽定四庫全書

冊府元龜
卷四十八

七

文靜進諫曰昔晉元帝初立嘗與朝臣共坐王導奏曰
太陽俯同萬物欲使蒼生將何仰照今至尊自卑屈羣
下何以自安諸臣入朝皆升御坐垂乾坤之定位誠願
陛下改之帝曰昔漢光武與嚴子陵同臥乃至加足於
帝腹諸公並舊齒名賢平生親友今雖應天受命而宿
昔之志何可忘之連榻同餐適盡歡愛公宜勿為謙也
太宗貞觀六年秘書少監虞世南上聖德論手詔答曰
卿所論太高但朕甚寡薄恐有識者窺卿為後人所笑

卿引古昔無為而治朕未敢擬倫比之近代乍踰之耳卿觀朕之始未見朕之終宜付秘書若朕能慎終如初則可為也如違此道不用後代策卿焉

十二年著作郎鄧隆上表請編錄御製詩集太宗冲讓不許

玄宗開元十三年潞州獻瑞應圖帝謂宰臣曰朕往在潞州但靖恭所職不記此事今既固請編錄卿喚取藩邸舊寮問其實事然後脩圖

欽定四庫全書

御周九編
卷四十八

八

肅宗初為皇太子將行冊命有司進儀注有中嚴外辨之禮及所御衣服有絳紗衣帝以逼尊極辭不敢受公卿議太師蕭嵩左丞相裴耀卿奏此乃舊儀古今通用皇太子因心謙讓不欲混同請改外辨為外備其中嚴傳絳紗衣請為朱明服詔可其議東宮舊合乘輅至殿門帝自宮步至

代宗為廣平王天寶末為天下兵馬元帥至德二載九月丁亥受命東討統朔方安西回紇南蠻大食之衆二

十萬鼓行而前將行百寮拜送於朝堂帝答拜既出當關不乘馬步出水馬門而後登車觀者美之

憲宗元和十四年宰臣裴度紀述淮西初日用兵及東平就誅聖謨玄算憂勤始終後因賜宴跪獻于帝請內印出付使臣編錄帝覽而言曰此事果行似出于朕懷非所欲也遂抑而不允

周太祖初踐祚志懷謙損藩岳老臣多不稱名與鄆州高行周詔即呼齊王行周上章陳讓

欽定四庫全書

御周九編
卷四十八

九

世宗顯德二年九月甲子賜宰臣樞密使侍衛諸將以下食於萬歲殿帝因曰兩日以來至甚寒近朕於宮闈之中食珍美之膳但以無功及民何以仰答大貺雖躬親庶政日覽萬幾亦恐無以勝任當須手執耒耜與民同力不然親當矢石為人除害稍可安心耳又曰朕不為賜卿等食因事興言實自責也

三年十二月己卯帝謂侍臣曰昨觀有司進呈取定本年正旦御殿衣冠鎮圭覽之不覺驚懼且息信未及於

天下德澤未洽於兆民何以堪此盛事宰臣奏曰陛下
兢慎如此何慮恩德不及於遠人哉

從人欲

夫同欲盡濟古典之格言惟惠之懷人心之必至是以
惟辟作福守位以仁勤恤以宣其詞曲成以濟其務淡
醴化於綿宇洽太和於元氣使夫廣運之德酌而不竭
含生之類各得其所則知以人為心蓋帝王之盛德也
至若一夫不獲有商所以啓其基小物不遺宗周所以

欽定四庫全書

御府元龜
卷四十八

十

隆其祚以阿衡師保之助宣股肱佐佑之力足以永固
鴻業垂光無窮況夫司牧當陽神機獨運流玄澤之腴
潤漸羣靈之骨髓覆幬之施有不可形容者焉書曰人
之所欲天必從之蓋愛民甚矣

漢高帝六年將封張良帝自擇齊三萬戶良曰始臣起
下邳與上會留此天以臣授陛下陛下用臣計幸而得
中臣願封留足矣乃封良為留侯

武帝征和三年故城父令公孫勇與客胡倩等謀反千

見倩詐稱光祿大夫從車騎數十言使督盜賊止陳留

傳舍太守謁見欲收取之淮陽太守田廣明覺知發兵

皆捕斬焉而公孫勇衣繡衣乘駟馬車至圍圍使小史

侍之亦知其非是守尉魏不害與廢番夫江德尉史蘇

昌共收捕之上封不害為當塗侯德轅陽侯

轅音

侯四人俱拜於前小史竊言武帝問言何對曰為侯者

得東歸不帝曰汝欲不貴矣

言汝意欲歸不吾令貴汝謂賜之爵也

名為何對曰名遺鄉帝曰用遺汝矣

遺弋李切

於是賜小史

欽定四庫全書

御府元龜
卷四十八

十一

爵關內侯食遺鄉六百戶

後漢光武建武六年令諸侯就國高陽侯耿純上書自

陳前在東郡案誅涿郡太守朱英親屬今國屬涿誠不

自安制書報曰侯前奉公行法朱英文吏曉知義理何

時當以公事相是非然受堯舜之罰者不能愛已也更

擇國土令侯無介然之憂乃更封純為東光侯

章帝時琅瑯王京國中有城陽景王祠吏人奉祠神數

下言宮中多不便利京上書願徙宮開陽以華蓋南武

陽厚丘贛榆五縣易東海之開陽臨沂帝許之

和帝永元十二年西域都護班超自以久在絕域年老思歸上疏曰臣聞太公封齊五世墓周孤死首丘代馬依風夫周齊同在中土千里之間況於遠處絕域小臣能無依風首丘之思哉蠻夷之俗畏壯侮老臣超夫馬齒殲常恐年衰奄忽僵仆孤魂棄捐昔蘇武留匈奴中尚十九年今臣幸得奉節帶金銀金銀調印也金印紫綬銀印青綬也西域如自以壽終屯部誠無所恨然恐後世或名臣為

欽定四庫全書

新附元龜
卷四十八

十一

沒西域臣不敢望到酒泉郡但願生入玉門關臣老病衰困冒死瞽言謹遣子勇隨獻物入塞及臣生在令勇目見中土而超妹同郡曹壽妻昭亦上書請超曰妾同產兄西域都護定遠侯超幸得以微功特蒙重賞爵列通侯位二千石天恩殊絕誠非小臣所當被蒙超之始出志捐軀命冀立微功以自陳效會陳睦之變道路隔絕超以一身轉側絕域曉譬諸國因其兵眾每有攻戰輒為先登身被金夷不避死亡賴蒙陛下神靈且得延

命沙漠至今積三十年骨肉生離不復相識所與相隨

時人士眾皆已物故超年最長今且七十衰老被病頭

髮無黑兩手不仁不仁猶不遂也耳目不聰明扶杖乃能行雖

欲竭盡其力以報塞天恩迫於歲暮犬馬齒索蠻夷之

性悖逆侮老而超旦暮入地久不見代恐開姦宄之源

生逆亂之心而卿大夫咸懷一切莫肯遠慮如有卒暴

超之氣力不能從心便為上損國家累世之功下棄忠

臣竭力之用誠可痛也故超萬里歸誠自陳苦急延頸

欽定四庫全書

新附元龜
卷四十八

十二

踰望三年於今未蒙省錄妄竊聞古者十五受兵六十還之亦有休息不任職也緣陛下以至孝理天下得萬國之歡心不遺小國之臣况超得備侯伯之位故敢觸死為超求哀勾超餘年一得生還復見闕庭使國家無勞遠之慮西域無倉卒之憂超得長蒙文王墓骨之恩子方哀老之惠田子方魏文侯之師也見君之光馬乘叔而之詩云民亦勞止汔可小康惠此中國以綏四方超有書與妾生訣恐不復相見妾誠傷超以壯年竭忠孝

於沙漠疫老則便捐死於曠野誠可哀憐如不蒙救護

超後有一旦之變冀幸起家得蒙趙母衛姬先請之貸

妾愚慙不知大義觸犯忌諱書奏帝感其言乃徵超還

馬防扶風人明德皇后兄弟也初封潁陽侯後徙封翟

鄉侯以江南下濕上書乞歸本郡和帝聽之

魏武帝族子曹真為大將軍少與宗人曹遵鄉人朱讚

並事帝遵讚早亡真愍之乞分所食邑封遵讚子詔曰

大司馬有叔向撫孤之仁篤晏平久要之分君子成人

欽定四庫全書

卷四十八

之美聽分真邑賜遵讚子爵關內侯各百戶

晉惠帝時太傅楊駿輔政備禮聘劉殷殷以母老固辭

駿於是表之優詔遂其高志聽終色養勅所在供其衣

食蠲其徭賦賜帛二百疋穀五百斛

明帝時王舒為荊州刺史其子允之隨在西府及舒授

會稽內史欲令允之仕舒請曰臣子尚少不樂早官帝

許隨舒之會稽

康帝初顧和還尚書僕射以母老固辭詔勅特諭暮出

朝還其優遇如此

簡文帝時郁惜有高名為太常固讓不拜深抱冲退樂

補遠郡從之出為輔國將軍會稽內史

孝武帝時桓秘以免官退居墓所放志田園好遊山水

後起為散騎常侍凡三表自陳詔曰秘受遇先朝是以

延之而頻有讓表以栖尚告誠兼有疾疾是用增歎可

順其所執

後魏孝明時田隨興為平原太守隨興情貪邊官不願

欽定四庫全書

卷四十八

內地改授弋陽汝南二郡太守

後周宣帝時上洛豐陽人泉企世襲本縣令企年十二

鄉人皇平陳合等三百餘人詣州請企為縣令州申上

時吏部尚書郭祚以企年少未堪宰民請別選遣終此

一限令企代之宣帝詔曰企向成立且為本鄉所樂何

為捨此世襲更求一限遂依所請

隋文帝時杜臺卿以患聾不堪吏職請修國史帝許之

除著作郎

煬帝時楊約拜浙陽太守其兄子玄感時為禮部尚書與約恩義甚篤既愴分離形於顏色帝謂之曰公比憂悴得非為叔耶玄感再拜流涕曰誠如聖旨帝恩約廢立之功繇是徵入朝

唐太宗貞觀八年以所擒頡利館於太僕廩食之頡利性不好屋下嘗於庭中施穹廬而居焉鬱鬱不得志與其家人相對悲歌而泣太宗見其羸僊授虢州刺史以彼土多麋而縱其畋獵庶不失物性頡利辭不願往繇欽定四庫全書

唐附元龜
卷四十八

七

是拜大將軍賜以田宅及卒詔其國人葬之從其俗禮焚屍於瀟水之東

于伯億仕隋為左翊衛歸朝為朝散大夫每掌巡徼精勤不倦及歲在懸車乃抗表云臣雖年合致仕而筋力尚強猶堪驅策太宗嘉其任事聽復舊位

薛頤為太史令頤清靜每厭人間置薛因帝與語乃自陳其情願於昭陵側構一茅宇以終餘生太宗嘉而從之因度為道士拜中大夫為置紫府觀於九峻之下申

其高尚焉

張柬之神龍初為中書令監修國史罷知政事其年秋表請歸襄州養疾許之仍特授襄州刺史其子著作郎將亦令從父往將行中宗親賦詩祖道又令羣公餞送於定鼎門外

玄宗開元六年河南參軍鄭銑虢州朱陽縣丞郭仙舟投匭獻詩勅曰觀其文理是崇道法至於時用不切事情宜各從所好並罷官度為道士

欽定四庫全書

唐附元龜
卷四十八

七

二十三年中天竺國僧善之無畏三藏以年老請還本國許之

二十七年以廣州刺史持節嶺南經畧使宋鼎為潞州都督府長史鼎以兄嘗臨慶州喪逝上表陳情乞移理他州特詔許焉

德宗建中初姜公輔為拾遺翰林學士以待母家貧求為京兆府戶曹參軍從之學士如故

憲宗時白居易為拾遺翰林學士當改官帝謂崔羣曰

居易官卑俸薄拘於資地不能超等其官可以自便居易因奏曰臣聞姜公輔為內職求為京兆府判司為奉親也臣有老母家貧養薄乞如公輔於是除京兆府戶曹參軍學士如故

元和七年六月癸丑以給事中劉伯芻為虢州刺史以疾求出故也

敬宗時薛放為禮部尚書兼集賢殿學士閨門之內尤推孝睦孤孀百口苦俸薄因召對懇求外任其時以節欽定四庫全書

唐書元龜卷四十八

六

制無闕乃授以江南西道觀察使

宣宗太中十年三月宰相崔慎繇為劍南西川節度副大使翌日帝微行至新豐柳陌見一布衣抱膝而嘆帝以昇平稍久京師豐稔僅比開元之時上下無愁苦之音因怪而問曰子何不足以至於斯布衣曰我本印人觀光至此有巢南之想又為素裝所迫今聞崔相國出鎮西川欲預其行無雙縑以遺其掌事者故有此數帝曰子可明旦相伺於此當奉其闕及旦勅慎繇將歸劍

門路人見者莫不感涕其愛人也如此

後唐莊宗同光元年十月勅通聞京百官俸錢至薄骨肉數多支贍不充朝夕難遣僞庭時刻削嚴急不敢披陳今既混同是行優卹下御史臺在班行有欲求外職或要分司各許中書門下投狀奏聞

明宗長興二年八月太傅致仕王建立太子少保致仕朱漢賓上章求歸鄉里勅曰凡為食祿無不盡忠既以縣車水期樂道若妨養性豈是優賢况非繫滯之名宜欽定四庫全書

唐書元龜卷四十八

七

遂道還之便宜依應內外致仕官自此凡要出入不在拘束之限

李贊華為滑州節度使長興四年七月壬辰明宗御廣壽殿顧謂贊華曰卿離鎮累月往來申報勞擾民吏宜早歸鎮贊華曰臣本武夫不樂內職願留宿衛京師帝曰卿既厭藩方則從所欲其元支俸料依舊全給鎮守不可闕帥吾別命鎮將可乎贊華拜拊稱謝曰臣之願也

晉高祖天福二年以沂州刺史李繼忠為單州刺史帝以繼忠勲舊之後數月之中連改三郡從其欲也

六年八月前平盧軍節度行軍司馬顏衍為駕部郎中充鹽鐵判官時衍在外地堂帖追令赴朝衍以母氏髦年無人侍奉狀聞中書尋有勅只守本官

周太祖廣順元年三月丁卯西頭供奉官咸師範奏弟師朗先為亳州蒙城鎮將因懷驚疑遁過淮外臣與東頭供奉官師睿二人時在定州監押兵士及在雍州攻

欽定四庫全書

冊府元龜

卷四十八

城各拘職任隱帝勅書安撫臣冒死上訴緣祖父墳墓莊田點檢入官至今屬營田戶部歲時骨肉祭拜無所臣叨為人子孝道難忘遂於生前便齎祀饗數下本州其咸師範物業並宣賜

二年考城縣民乞開縣城南門東門從之先是修縣城閉塞之縣民以南臨宋亳北接曹澶商賈往來以此便之

三年四月滄州言控鶴官仇超補當州捉生都頭先是

太祖東征巡案賊壘慕容彥超設虎落以護城帝宣諭諸州廂軍內果敢之士拔去鹿角者仇超仗一大斧伐鹿角而徑登賊城為守陴者傷三指而下帝獎其勇健解其甲鎧唯衣一犢鼻賜以錦袍超謝訖携斧又登賊壘其夷懸撞之類而旋帝擢之在控鶴官之列間日思其晚果宣問願陳力之所超曰父嘗任滄州捉生都頭苟得之平生畢矣故與是職

九月以前青州節度副使王沼為邢州副使沼故鎮帥

欽定四庫全書

冊府元龜

卷四十八

王武俊之家父鉞趙州刺史沼事莊宗累為諸司使出為行軍副使罷平盧副使年七十餘求歸鄉里或言沼貧悴者乃召還京何福進以僕馬遣之再授副戎而思鄉之情不復已也

顯德元年正月青州節度使常思言被病請罷鎮歸京尋醫從之

冊府元龜卷四十八

欽定四庫全書

冊府元龜卷四十九

宋 王欽若等 撰

帝王部

崇儒術

周官太宰之職以九兩繫邦國之民其一曰儒蓋六藝之謂也而太史公以為列君臣父子之禮序夫婦長幼之別雖百家不能易故歷代致治之後何莫歸斯道也已乃有朝舍干戈暮習俎豆誠知夫天下之重非可馬

欽定四庫全書

冊府元龜卷四十九

上而治文武之道布在方策有條不紊可舉而行至於變風易俗之端長世字乂之術荒懷來遠之畧邁德興仁之旨鮮不出於是矣繇是立庠塾設學校褒先儒以闡化尊經典以立訓咸用詮次存諸軌範

漢高祖十二年十一月行自淮南還過魯以太牢祀孔

子

文帝時天下亡治書者獨聞齊有伏生

臣欽若等曰故伏生名勝

秦博士治尚書年九十餘老不可至廼詔太常使人受

之太常遣鼂錯受尚書伏生所還因上書稱說稱書法而說其義詔以為太子舍人

武帝元朔五年六月詔曰蓋聞導民以禮風之以樂今禮壞樂廢朕甚閔焉故詳延天下方聞之士咸薦諸朝詳悉也方通也聞博聞也言悉引有道博聞之士而進於朝也其令禮官勸學講議洽聞舉遺興禮以為天下先太常議與博士弟子崇鄉黨之化以厲賢材焉時御史大夫倪寬有俊才初見帝語經學帝說之曰吾始以尚書為樸學弗好及聞寬說可

欽定四庫全書

冊府元龜卷四十九

觀乃從寬問一篇擢為中大夫其後詔求為韓詩者徵蔡義待詔久不進見義上疏曰臣山東草莽之人行能無所比容貌不及衆然而不棄人倫者竊以聞道於先師自託於經術也願賜清聞之燕燕安息也得盡精思於前帝召見義說詩甚說之擢為光祿大夫給事中

宣帝即位聞衛太子好穀梁春秋以問丞相韋賢長信少府夏侯勝及侍中樂陵侯史高皆魯人也言穀梁子本魯學公羊氏廼齊學也宜興穀梁時蔡千秋為郎召

見與公羊家竝說帝善穀梁說擢千秋為諫大夫給事中後有過左遷平陵令復求能為穀梁者莫及千秋帝愍其學且絕廼以千秋為郎中戶將戶將官名選郎十人從受又梁丘賀從京房受易帝聞京房為易名求其門人得賀賀時為都司空令坐事論免為庶人待詔黃門數入說教侍中為諸侍中說經為教授以召賀賀入說帝善之說於天子之以賀為郎中修武帝故事講六藝羣書博士盡奇異之

欽定四庫全書

冊府元龜
卷四十九

三

甘露三年詔諸儒講五經同異太子太傅蕭望之等平奏其議帝親稱制臨決焉乃立梁丘易大小夏侯尚書穀梁春秋博士

元帝即位徵高密相孔霸以師賜爵關內侯號褒成君霸上書求奉孔子祭禮帝下詔曰其令師褒成君關內侯霸以所食邑八百戶祀孔子焉故霸還長安子福名數於魯奉孔子祀名數戶名也帝好儒術文辭頗改宣帝之政言事者多進見人人自以為得帝意

初元五年詔博士弟子每置貢以廣學者帝少而好儒及即位徵用儒生委之以政貢薛韋匡貢為薛室韋賢廷衛迭為宰相

成帝河平三年八月光祿大夫劉向校中秘書謁者陳農使使求遺書於天下言今陳農為使而使之求遺書先是班伯少受

詩於師丹大將軍王鳳薦伯宜勸學召見宴昵殿親戚宴飲會同容貌甚麗誦說有法拜為中常侍帝方鄉學鄭寬

中張禹朝夕入說尚書論語於金華殿金華殿在未央宮詔伯

欽定四庫全書

冊府元龜
卷四十九

四

受焉既通大義又講異同於許商遷奉車都尉數年金華之業續出

平帝元始元年封孔子後孔均為褒成侯奉其祀追謚孔子為褒成宣尼公

後漢光武建武五年七月幸沛十月還幸魯使大司空祠孔子是月初起太學在洛陽城故開陽門外去宮八里講堂長十丈廣三丈帝

幸太學賜博士弟子各有差

十四年四月封孔子後志為褒成侯平帝封孔均為褒成侯志均子